



Augusti Buchneri Orationes Panegyricæ

Buchner, August

Cliviæ, [1668]

XVII. In funere Caspari Anckelmanni, Lips. Misn. I. V. Studiosi.

[urn:nbn:de:hbz:466:1-69483](#)

fortuna tandem maneat, quem habituri finem nostri labores. Utrumque nos demersura tempestas eadem, aut nudos ac inopes in littus aliquod ejectura. Vobis RECTOR MAGNIFICE, & cæteri Exequiatores omnium ordinum honoratissimi atque lectissimi, cum Parentum absentium, tum Popularium nomine, qui curarunt interim funus, singulares ago gratias, quod ad exequias istas tam frequentes convenistis. Qvod vestrum studium uti eximium est, & plenum humanissimæ pietatis; ita vicissim illi diligentem navabunt operam, ut omni officiū genere, quod gratum vobis fore intelligent, quoad poterunt, compensent.

ORATIO XVII,

IN FVNERE

CASPARI ANKELMANNI,
Lips. Misn. J. U. Studiosi,

RECTOR MAGNIFICE,

Patres & Academicí perquam Reverendi, Amplissimi, Excel-
lentissimi, atq; Clarissimi:

nec non cæteri omnium ordinum Lectissimi ac
Honoratissimi Viri:

DE natalibus, inde moribusque ac studiis CAS-
SPARIS ANKELMANNI, Ornatussum Juvenis,
cui hoc institutum ac celebratum solenne funere est,
cum alibi satis commemoratum atq; expeditum sit, nihil
nunc attinet in eam sententiam plura dicere, & re-
rum earundem repetitione molestiam vobis creare.

Poti-

Potius est considerare fragilitatem vitæ humanæ, & quām neq[ue]icqvam confidamus annis, qvi per viriditatem suam, ut ita loqvar, abesse procul à morte videbantur. Non eò ætatis pervenerat noster, quod aut senectus ipsa esset, aut saltem proximum senectuti: nondum vicelimum annum attigerat, ac ita vix qvidem aspicere ceperat juventutis limen, cùm ei de vi-
tā discedendum esset. Equidem nulla non ætas morbis patet: & invénit locum facile mors, ubi morbus invenit. Sicut in certas partes descripta hominis ætas est; ita qvælibet harum peculiaribus morbis exposita est. Et in his nullus ferme tam contemnendus ac levis, qvi non elidere spiritum, & interficere vitam queat. Ac si vel valeamus maximè, si qvod Poëta ait, lateri pendibusq[ue] bene sit; tamen tot alii casus ac vices nos undiqvaq[ue] obſident ac cingunt, ut horam quamlibet cum fine conjunctam, & nobis supremam esse posse, existimare conveniat. Q[uo]d magis evandum, ne imparatos opprimat mors: & dare operam par est, ac providere, potius ut moriamur bene, quām ut jucundè ac molliter transigamus ætatem, q[uo]d plerorumque vota laboresq[ue] contendunt. Falluntur magnopere, qvi facilem rem, nec magni momenti esse putant, emittere spiritum, & suum, cùm venit obire diem. Arduum prorsus gravissimumq[ue] negotium est, à cuius administratione præcipue omnis nostra, qvæ aut optari unqvam, aut etiam sperari potest, felicitas, pendet. Nam qvotusqvisq[ue] ante funus ac obitum sele beatum statuere aut prædicare uspiam possit? Qvamdiu verſamur inter homines infinitis casibus atq[ue] calamitatibus sumus obnoxii. Qvas nec evadere semper prudentissimis licet; & fortunatissimi non rarò incident.

Qva-

Qvare licet qvandoqve careamus malis; nunquam tam
en extra eorum metum positi sumus. Quò sit, ut nun
quam non ex aliquâ parte miseri simus & infelices.
Quapropter si ex præsenti funere capiemus causam re
cogitandi nobiscum hęc paullò altius; nę omnium o
ptimè sumfisse nos tempus, & collocasse operam exi
stimate oportet. Enimverò qui florentissimos quoque
abire ac mori videat, nullam omnino ab hac necessita
te excipiet ætatem. Et quotusquisque non erit solitus
de fine suo, qui in momenta singula se esse mortalem
recordetur? Erat quidem eximia spes, si ANCKEL
MANNUS noster ad majorem ætatis adolesceret mo
dum, & ad maturitatem perveniret adeò, fore, ut utili
tates insignes in rem conferret communem. Nam &
valebat ingenio, & erat industrius in studiis, & naturali
quadam rectitudine animi ad honestum ac bonum fe
rebatur. Quæ certè ejusmodi dotes sunt, ut omni
um optimè de genere humano merituræ videantur. Sed
ea conditione nascimur homines, uti imperium in nos
exerceat, qui universo mundo præst. & quisque no
strum non tantum vivat, quantum fortasse aut optet
ipse, aut alii expertant; sed quantum cuique concedit
& admittitur quasi Deus. A quo, ceu fonte aliquo, o
mnium nostræ derivantur vita: ut si se nobis hęc vena
subtrahat, exarescere illicò nos ac interire oporteat.
Nec tamen ut desinamus penitus; sed ut ad tempus vi
deamur desissemus, & mox deinde in multò excellentiore
vitā redeamus. Quâ lege sicut & ANCKELMANNUS
auspicatus lucem est; ita eandem depositum quoque: &
corpus quidem reliquit terræ, cui nunc commendatum
solenniter est, ut redigatur in suam originem, & in cæ
lestem quandam ac immortalem naturam pereundo re

Y,
for-

formetur: animam verò reddidit Deo, cuius depositum pariter & exemplar erat. Quibus in rebus cum summa & maxima felicitas posita sit, quis locus luctui esse possit magnopere, invenire haud possum. Is enim non nisi miseris atque afflictis rebus nostris debetur. Quamquam vix quicquam remedii ac levamenti inde ad eas accedat.

----- *Nam viam, quam ceperint,
Pergent eandem, seu fleas, seu non fleas.*

Quod restat, Vobis, RECTOR MAGNIFICE & Academici Patres, nec non reliqui exequiatores omnium ordinum lectissimi ac honoratissimi, summas ac singulares ago & habeo gratias, quod Præstantissimo Juveni supremum istud officium tam prolixè ac promtè voluistis præstare. Fecistis equidem hac in parte, qvod expectari ab illâ propriâ vobis humanitate cumprimis poterat; & honestissimæ ANCKELMAN-NORUM familiæ perhonorificum esset. Quare ut non vulgaris officii genere se obligatam vobis intelligit; ita nunquam non contendet & laborabit serio; sic se ut comparet erga vos ac gerat semper, quò de ipsius studiis & singulari affectione vicissim constet.

ORA-